

Just Sayin'

Te rangahau patapatai e pā ana ki te rangatahi me Nga Ratonga Tautoko Whakawhitinga


I kōrero mātou ki ngā rangatahi e māraurau ana kia whai tautoko i te ama whakawhiti

I hiahia mātou ki te whai maramatanga ki te āhua o ō koutou nā ao, otirā, ki te ara e pai ake ai tā Oranga Tamariki tautoko i tō whakawhitinga ki te motuhaketanga, mā roto mai i te Ratonga Tautoko Whakawhitinga kātahi nei ka whakatūria. Anei ko ētahi o ngā kitenga matua i puta i te rangahau patapatai.



Ā koutou kōrero mai mō ō koutou Ama Whakawhiti, me ngā tauwhiro o Oranga Tamariki

Ko te nuinga o koutou i mea mai ka whai hua ō koutou nā ao i te whai wāhitanga ki tētahi ama whakawhiti e tautoko ana i a koe, otirā, e noho ana hei pou whirinaki. Ka whai te ratonga tautoko whakawhitinga kia riro māu e kōwhiri te momo whakahaere, ā, 43% o koutou i whakaae i whai kōwhiringa koutou. Ka whai hoki te ratonga tautoko whakawhitinga kia tūhono i a koe ki tētahi whakahaere e tika ana ā-ahurea nei, mēnā he Māori, mēnā rānei nō ngā moutere o te Moana-nui-a-Kiwa koe. Ko tētahi haurua o te rangatahi Māori i kī mai i te tautokona rātou e tētahi whakahaere Māori, Ama Whakawhiti Māori rānei.



I te tau 2019, i rewa i a Oranga Tamariki tā rātou Ratonga Tautoko Whakawhitinga mā te hunga 15-25 tau te pakeke, e whakawhiti ana i ngā taurimatanga ki te motuhaketanga. Mēnā e māraurau ana koe kia whai wāhi ki ngā tautokohanga whakawhitinga, ka āhei te tūhono i a koe ki tētahi Ama Whakawhiti, māna koe e ārahi, e tautoko anō kia:

- Tautohua ō pakaritanga me ō kaingākau e taea ai tō whakatakoto me tō whakatutuki i ngā whāinga
- Tupu ai tō māia ki te toro ki ngā ratonga i tō kotahi
- Whakawhanake i ngā pūkenga whai oranga, kia tūhono anō ki tō tuakiri, ki tō ahurea, ki tō whānau hoki.


Te Ratonga Tautoko Whakawhitinga

85%


o koutou i mea mai i āta pātāhia koutou kia kite ai mēnā rānei ko te hia Ama Whakawhiti koutou.

Nui atu i te haurua (60%) o koutou e whai wāhi ana ki tētahi Ama Whakawhiti i te wā o te rangahau, ā, 17% o koutou i mea mai i whai Ama Whakawhiti kē koutou i mua.

Te whakaritetanga me te whakamaheretanga mō tō whakawhitinga



79% o koutou i whakaae i whai wāhi koutou ki ngā whakatau hirahira i ō koutou nā ao i te nuinga o te wā, i ngā wā katoa rānei.



Nui atu i te haurua o koutou i mea mai i tika ki a koe te nui o te whai wāhitanga atu o ngā tāngata whakahirahira ki a koe ki ngā mahi whakamahere i ngā āhuetanga o tōu nā ao.

Ko te āhua o tā te Ama Whakawhiti āwhina i a koe

81%

o koutou i mea mai nā ō koutou Ama Whakawhiti i pai ake ai ō koutou nā ao.

Anei ko ētahi o ā ratou mahi, e ai anō ki a koutou:

- Hei taringa areare mōu
- I āwhina ki te whakapiki i tō oranga me tō māia
- He rite tonu te tautoko i a koe
- I tautoko i tō motuhaketanga me tō aro ki tua
- I aronuitia, i whakautea hoki ko koe, me ō whakaaro anō hoki.

Ko wai mā te hunga e noho tahi nei koe

87%

o koutou i mea mai kotahi anake tō wāhi noho. 43% o koutou i mea mai ko te noho koutou ki tētahi kāinga ā-whānau.

E 72% o koutou kāore i noho tonu ki te wāhi ōrite whai muri i te putanga i te taurimatanga, ā, e 68% o koutou i whakaae i whai kōwhiringa koutou e pā ana ki ngā wāhi e ahu atu rā koutou.

"He nui noa atu ngā mahi a aku ama whakawhiti i te āwhina noa iho i ahau. Ko rātou ki tā rātou, ko au ki tāku kīwai o te kete, ā, nā tā rātou āwhina mai e tū wahine pēnei ana au i tēnei rā. Nā rātou i whakapono ai au e taea ana e au ngā mea katoa ahakoa te aha, tae atu ki taku whai i tāku e hiahia nei i taku ao."

"Ka hua ana he raru, ka upoko pakaru tana karawhiu, kia kitea rā anōtia he hua. Ka whakawātea ia i a ia anō, otirā, ka whakapau kaha

"Nā taku Ama Whakawhiti ahau i ngākau titikaha ai i roto i ahau anō. Nānā au i rongo ai i te tautokohia me te whakaaetia ōku, ahakoa kāore pea taku kaitiaki i pērā."

Ngā manako mō te anamata

72%

o koutou i mea mai e ngākau hihiri ana ki te anamata.



Nui atu i te kotahi haurua o koutou (62%) i whakarite i ētahi whāinga e hāngai ana ki ngā tūranga mahi, tae ana ki te whai mahi i te ope kātua, i te ahumahi whakapai āhua, me te tauhokohoko. E 35% o koutou i kōrero mai mō ngā whāinga e hāngai ana ki te wāhi noho, pēnei i te noho i tō ake whare, te noho tahi ki ngā hoa noho i tētahi whare reti, te whai kāinga tau, me te noho takitahi. E rārangi iho nei ko ētahi taurira o ō koutou nā whāinga mō te anamata.

Ko ngā pūkenga e hiahia nei koe ki te ako

52%

o koutou i mea mai ko te raihana hautū waka te whāinga i te wā i pātaihia koutou mō ngā pūkenga e hiahia nei koutou ki te ako.

Whai muri i tērā ko te whakahaere moni (50%), ko ngā pūkenga e takatū ai ki te mahi (37%), me ngā pūkenga whanaungatanga (36%). I te wā i pātaihia koutou mēnā rānei i tika te tautokohia o koutou e taea ai tā koutou ako i ēnei pūkenga, 61% o koutou i āe mai.

“Ko te manako ia, kua whai tohu kaitunu, e mahi ana ki tētahi kīhini, kua mārena, kāore i te tino mōhio ki hea au noho ai engari e noho tahi ana ki taku hoa rangatira.”

“Kia matatau ki te reo Māori, e manako nui ana ka angitu hei kaiwhakaatu, e tīmata ana rānei ki te takahi i taua huarahi.”

“E haere ana ki te whare wānanga, e kaha ana te penapena pūtea, e whakaaweawe ana i ngā tāngata i tōku ao, e harikoa ana otirā e māia ana.”

48%

VOYCE - Whakarongo Mai

0800 486 923

o koutou i mea mai e mōhio ana koutou mā hea e whakapā atu ai ki VOYCE - Whakarongo Mai.

O ērā i whakapā atu ki VOYCE, e 84% o koutou i mea mai i āwhinatia koutou e rātou. Anei ētahi kōrero i puta i a koutou mō ā rātou mahi āwhina:

“I noho tahi mai ki ahau i te kōti, hei kaitautoko.”

“Ngā moni karahipi, me te huarahi e whai wāhi atu ai ka hiahia ana.”

“Mō ngā uauatanga o te noho ki tētahi wharenoho me te mate ki te tono i ngā taputapu mate wāhine.”

Nama Tautoko Whakawhitinga

0800 55 89 89

o koutou i mea mai e mōhio ana koutou mā hea e whakapā atu ai ki a Oranga Tamariki ki te hia āwhina.

O te hunga i whakapā atu ki te nama tautoko whakawhitinga, e 80% o koutou i mea mai i āwhinatia koutou e rātou. Anei ētahi kōrero i puta i a koutou mō ā rātou mahi āwhina:

“He āwhina ā-moni, ā-wāhi noho, ā-oranga hinengaro anō hoki.”

“Ngā raruraru ā-whare nei tē āwhinatia ai e te tauwhiro.”

“I āwhina mai e riro mai ai taku puka uruwhenua.”

Hauora me te Oranga



Nui atu i te kotahi haurua (59%) o koutou i mea mai e pāngia ana koutou e tētahi momo hauātanga. O koutou katoa, e 38% i kōrero mai mō ‘ngā āhuatanga e hāngai nei ki te kare-ā-roto, ki te hinengaro rānei’, ā, e 34% i mea mai i raru te taha ki ‘te ako, te mahara, me te aro’.

Te tuakiri




Tōna 72% o koutou i mea ake e tau ana ō koutou ngākau ki ō koutou nā tuakiri, e whakahihī ana ki a koutou anō, e ngākau hihiri ana rānei ki te anamata. Nui atu i te kotahi haurua (58%) o koutou i rongu i aua āhuatanga e toru katoa.

Kuranga



49% o koutou i te ako tonu, i te whai wāhi rānei ki tētahi kaupapa whakangungu i te wā o te rangahau. O te hunga kāore i pērā, kua tutuki kē i te 47% o koutou te kaupae 2, piki ake rānei o te NCEA.

Mēnā koe e taumaha ana, otirā, e hiahia āwhina ana, ka toro atu koe ki a wai



Te paremata a Oranga Tamariki

I rewa te Ratonga Tautoko Whakawhitinga i te 1 o Hūrae, i te tau 2019, ā, kua eke ki tōna tau tuatoru. He mea whakatū whai muri i te nui o te wānanga ki te rangatahi e pā ana ki te momo tautoko e hiahia ana ka puta ana rātou i te taurimatanga. E ngākau titikaha tonu ana mātou kia areare taringa tonu atu ki ngā whakaaro o te rangatahi e pā ana ki te āhua o te tautokohia o rātou, kia arohia anō hoki ō rātou reo i ā mātou e whai nei kia whakapakari i ā mātou ratonga. E mīhia ana ngā rangatahi katoa i whai wāhi mai.

Ko tētahi o ngā mea matua i rangona, ko ngā kōrero mō ngā uauatanga i pā ki ētahi rangatahi nā runga tonu i te hauātanga. Mā mātou ēnei rangatahi e hāpai kia tika ai te arohia me te tautokohia o te rangatahi e ngā hinonga kāwanatanga, tae rā anō ki a Oranga Tamariki.

E whai ana mātou kia whai mōhiohio ngā rangatahi katoa e māraurau ana ki te Ratonga Tautoko Whakawhitinga me ngā momo tautoko e wātea ana ki a rātou ka whakawhiti ana rātou i te taurimatanga ki te pakeketanga. Ka whai mātou ki te whakapai ake i ngā mahi whakamahere mō te rangatahi kia takatū ai rātou ki ngā āhuatanga ka hua ake whai muri i te putanga i te taurimatanga. Ka whai hoki mātou kia wawe te whakahono atu i te rangatahi ki ngā Ama Whakawhiti (mēnā koirā tā rātou e hiahia ana), kia whai kaitautoko anō ai rātou i a rātou e takahi haere ana i te huarahi ki te ao o te pakeke.